

Na osnovu člana 23. stav 4. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16) i člana 6. stav (7) Odluke o postupku srednjoročnog planiranja, praćenja i izvještavanja o radu u institucijama Bosne i Hercegovine („Službeni glasnik BiH“, broj 62/14), Ministarstvo vanjskih poslova Bosne i Hercegovine, p o d n o s i

NACRT

SREDNJOROČNI PLAN RADA MINISTARSTVA VANJSKIH POSLOVA BOSNE I HERCEGOVINE 2021 - 2023

Sarajevo, maj 2020. godine

SADRŽAJ

POGLAVLJE 1: Strateški okvir	3
POGLAVLJE 2: Misija i Vizija	4
POGLAVLJE 3: Učesnici i partneri	5
3.1. Saradnja sa domaćim institucijama	5
3.2. Saradnja sa međunarodnim institucijama	5
3.2.1. Saradnja sa Delegacijom Evropske komisije u BiH	5
3.2.2. Saradnja sa Međunarodnom organizacijom za Frankofoniju (IAF)	5
3.2.3. Saradnja sa DKP-ima zemalja akreditovanih u BiH	5
3.2.4. Saradnja sa bilateralnim i multilateralnim partnerima i razvojnim agencijama.	5
POGLAVLJE 4: Osnovna programska opredjeljenja	6
4.1. Srednjoročni cilj	6
4.1.a. Bilateralne prirode	6
4.1.b. Multilateralne prirode	7
4.1.c. Konzularne prirode	9
4.1.1. Specifični cilj 1	10
4.1.2. Specifični cilj 2	10
POGLAVLJE 5: Resursi i kapaciteti potrebni za dostizanje ciljeva	11
5.1. Finansijska sredstva	11
5.2. Ljudski resursi	11
POGLAVLJE 6: Okvir za praćenje provođenja plana i evaluacije rezultata	13
6.1. Ključni pokazatelji	13
6.2. Praćenje izvršenja i evaluacija Srednjoročnog plana rada	15

Prilog 1: Akcioni plan Srednjoročnog plana rada Ministarstva vanjskih poslova BiH 2021-2023

POGLAVLJE 1: Strateški okvir

Ministarstvo vanjskih poslova Bosne i Hercegovine u daljem tekstu (MVP BIH) nadležno je tijelo državne uprave za provođenje utvrđene vanjske politike Bosne i Hercegovine, radi na razvoju međunarodnih odnosa u skladu sa stavovima i smjericama Predsjedništva Bosne i Hercegovine, na promociji i zaštiti vanjskopolitičkih interesa Bosne i Hercegovine i njenih građana.

Ministarstvo vanjskih poslova BiH je organ uprave koji je osnovan Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09). U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, Ministarstvo utvrđuje prijedlog vanjske politike i sprovodi vanjsku politiku BiH.

Vanjska politika Bosne i Hercegovine usmjerena je ka unapređenju i očuvanju trajnog mira, sigurnosti i stabilnog demokratskog i sveukupnog državnog razvoja, odnosno uključivanju u savremene evropske, političke, ekonomske i sigurnosne integracione tokove.

U cilju promovisanja svojih strateških interesa, nastavit će transparentnu vanjsku politiku u saglasnosti sa slijedećim prioritetima (stubovima): - Sigurnost i stabilnost; - Ekonomski prosperitet; - Zaštita interesa državljana BiH u inostranstvu i međunarodna saradnja; - Promocija BiH u svijetu. Stubovi vanjske politike Bosne i Hercegovine su strateški pravci djelovanja na osnovu navedenih načela i institucionalnog uređenja, a u okviru kojih će se raditi na ostvarivanju prioriteta i ciljeva kroz usmjerenja unutar kojih se razvijaju aktivne politike prema EU, NATO, regionu, globalnim pitanjima, međunarodnim organizacijama i sl.

Promocija Bosne i Hercegovine kao partnera u međunarodnim ekonomskim odnosima i aktivnosti koje će omogućiti prijem Bosne i Hercegovine u Svjetsku trgovinsku organizaciju (WTO) i druge međunarodne organizacije i asocijacije. MVP BiH kroz svoju DKP mrežu će intenzivnije da radi na poboljšanju imidža BiH na međunarodnom planu kroz:

- Sadržajnije i efikasnije učešće u značajnim međunarodnim događajima;
- Promocija turističkih i poslovnih putovanja u BiH;
- Promocija i razvoj koncepta "zemlje porijekla" za izvoznike roba i usluga;
- Bolji i opsežniji prikaz u međunarodnim medijima;
- Korištenje savremenih komunikacijskih tehnologija za promociju vrijednosti BiH;
- Dalje jačanje kulturnih odnosa s drugim državama i regijama.

MVP zastupa Bosnu i Hercegovinu u diplomatskim odnosima prema drugim državama, međunarodnim organizacijama i na međunarodnim konferencijama, kroz neposrednu komunikaciju sa diplomatskim i predstavništvima drugih država i misijama međunarodnih organizacija u Bosni i Hercegovini i obavlja stručne poslove u vezi sa tim, a posebno u sklopu sistema Ujedinjenih naroda (UN) Vijeća Evrope, Organizacija za sigurnost i saradnju u Evropi (OSCE), Organizacija islamske konferencije (OIC) i dr.

MVP BIH obavlja poslove u vezi sa boravkom i zaštitom prava i interesa državljana Bosne i Hercegovine na stalnom i privremenom boravku u inostranstvu i domaćih pravnih lica u inostranstvu. Podstiče, razvija i koordinira saradnju sa iseljeništvom iz Bosne i Hercegovine.

Takođe, u saradnji sa nadležnim ministarstvima i institucijama prati međunarodna ekonomska kretanja i odnose i obavještava nadležne organe o tome, kao i o ekonomskim odnosima Bosne i Hercegovine sa pojedinim zemljama i regionima.

MVP priprema dokumentaciju, analize, informacije i druge materijale za potrebe Predsjedništva Bosne i Hercegovine, Vijeća ministara BiH, Parlamentarnu skupštinu BiH i drugih organa nadležnih za sprovođenje vanjske politike.

POGLAVLJE 2: Vizija i Misija MVP BIH

Misija MVP BIH

Ministarstvo vanjskih poslova Bosne i Hercegovine nadležno je za provođenje utvrđene vanjske politike Bosne i Hercegovine koju obavlja putem diplomatskih i drugih predstavništava Bosne i Hercegovine u drugim državama. Za potrebe Predsjedništva Bosne i Hercegovine, Parlamentarne skupštine Bosne i Hercegovine, kao i Vijeća ministara, Ministarstvo vanjskih poslova daje mišljenje o vanjskopolitičkim interesima Bosne i Hercegovine, kao i prijedloge za pokretanje i razvijanje djelovanja u području vanjske politike i međunarodnih odnosa. Ministarstvo vanjskih poslova predstavlja Bosnu i Hercegovinu u drugim državama i međunarodnim organizacijama i institucijama, štiti interese Bosne i Hercegovine, njenih državljanja i pravnih osoba van Bosne i Hercegovine, razvija prijateljske odnose i saradnju između Bosne i Hercegovine i drugih država na političkom, ekonomskom, kulturno - obrazovnom, naučno – tehničkom, sportskom i informacijskom području, kao i na ostalim područjima od interesa za Bosnu i Hercegovinu.

Vizija MVP BiH

Vizija uspješnog djelovanja Ministarstva vanjskih poslova fokusirana je na promociji i zaštiti interesa Bosne i Hercegovine u međunarodnim odnosima radi osiguranja blagostanja svih njenih građana, pune uključenosti u globalnu ekonomiju, te aktivnog učešća u odlučivanju o važnim globalnim pitanjima, posebno u osiguranju svjetskog mira i mirnog rješavanja međunarodnih kriznih situacija.

POGLAVLJE 3: Učesnici i partneri

3.1. Saradnja sa domaćim institucijama

Ministarstvo vanjskih poslova u skladu sa odredbama Ustava daje mišljenje o vanjskopolitičkim interesima Bosne i Hercegovine, kao i prijedloge za pokretanje i razvijanje djelovanja u području vanjske politike i međunarodnih odnosa za Predsjedništvo Bosne i Hercegovine, Parlamentarnu skupštinu Bosne i Hercegovine u dijelu koji se odnosi na djelovanje Komisije za vanjske poslove, kao i Vijeća ministara Bosne i Hercegovine.

Ministarstvo vanjskih poslova Bosne i Hercegovine nema eksterno resornu nadležnost ni na jednu instituciju u BiH.

Ministarstvo vanjskih poslova Bosne i Hercegovine saraduje sa svim državnim ministarstvima, agencijama i institutima u sastavu Vijeća ministara BIH, posebno u cilju ratifikacije međunarodnih Sporazuma iz domena (vanjske trgovine, privredne i industrijske saradnje, civilnih poslova - zdravstva, nauke, tehnike, obrazovanja, kulture i sporta...) Direkcijom za evropske integracije – DEI BIH, Ured za zakonodavstvo BIH, Agencija za zaštitu ličnih podataka, Agencija za promociju stranih investicija - FIPA BIH entitetskim ministarstvima sl.

Takođe, realiziranje ponuđenih konkursa za stipendiranje i razmjenu studenata, studijske boravke, učešće na seminarima, naučnim simpozijumima, sportskim takmičenjima i mnogobrojnim natjecanjima filmskih, likovnih i literarnih ostvarenja, MVP realizira u saradnji sa nadležnim Ministarstvom u Vijeću ministara Bosne i Hercegovine (Ministarstvom za civilne poslove), nadležnim entitetskim ministarstvima, te nadležnim odjelima u Distriktu Brčko.

3.2. Međunarodna saradnja

3.2.1. Ministarstvo vanjskih poslova BiH sa Delegacijom Evropske komisije aktivno učestvuje u projektima naučne, tehničke, obrazovne, kulturne i sportske saradnje kroz ERASMUS, SERA NET, HORIZON – 2020 koji su finansirani od strane Evropske Unije.

3.2.2. Saradnja sa Međunarodnom organizacijom za Frankofoniju (IAF) je izuzetno korisna s obzirom da IAF predstavlja veoma značajnu platformu za uspostavu/unaprijeđenje političkih, privrednih i kulturnih odnosa BiH sa velikim brojem zemalja članica IAF, posebno sa Afričkog kontinenta u kojima BiH nema DKP.

3.2.3. Ministarstvo vanjskih poslova u saradnji sa DKP mrežom i diplomatsko-konzularnim predstavništvima zemalja akreditovanih u BiH je u svakodnevnoj komunikaciji i koordinira programe sportskih takmičenja, festivala, izložbi, seminara, te putovanja koja su bila u vezi sa navedenim događajima.

3.2.4. Ministarstvo vanjskih poslova uspješno realizira međunarodnu saradnju sa svim bilateralnim i multilateralnim partnerima kao i razvojnim agencijama.

POGLAVLJE 4: Osnovna programska opredjeljenja

4.1. Srednjoročni cilj

Srednjoročni cilj Ministarstva vanjskih poslova BiH je „Sprovođenje vanjske politike Bosne i Hercegovine iz domena MVP u svrhu realizacije vanjskopolitičkih ciljeva Bosne i Hercegovine“.

Ostvarivanje srednjoročnog cilja zasniva se na realizaciji specifičnih ciljeva kao i provođenju programa i projekata planiranih strateškim okvirom MVP BiH, sa posebnim naglaskom na postizanje daljeg napretka u približavanju BiH Evropskoj Uniji, kroz dobivanje kandidatskog statusa i ostvarivanja pretpostavki za otpočinjanje pregovora sa Evropskom Unijom. Takođe, u skladu sa Strategijom vanjske politike BiH, MVP će u narednom periodu nastaviti sa aktivnostima na daljoj institucionalizaciji odnosa BiH sa NATO.

Obzirom na trenutno stanje u približavanju BiH EU, MVP BiH će u narednom periodu dodatno intenzivirati aktivnosti na pojedinačnom lobiranju zemalja članica EU, u cilju redovnog predstavljanja napretka BiH u ispunjavanju preporuka iz Mišljenja Evropske komisije od 29.05.2019. godine.

Uloga Ministarstva vanjskih poslova Bosne i Hercegovine i njegove diplomatsko-konzularne mreže je od iznimnog značaja za kvalitetnu implementaciju opštih pravaca i prioriteta za provođenje vanjske politike Bosne i Hercegovine. U tom kontekstu je neophodno osigurati dalji razvoj kapaciteta bosanskohercegovačke diplomatije.

Stalne promjene u međunarodnom okruženju, kao i izazovi globalnog načina poslovanja, pred službu vanjskih poslova stavljaju nužnost prilagođavanja i moderniziranje u strukturnom, sadržajnom i u organizacijsko-tehničkom smislu.

MVP BiH će u tom kontekstu posebno nastaviti sa jačanjem aktivnosti BiH na multilateralnom planu, u cilju ostvarivanja vanjskopolitičkih interesa i uticaja BiH, vizibiliteta naše zemlje na međunarodnom planu, našeg pozicioniranja kao konstruktivnog partnera i subjekta međunarodnih odnosa i interesantnog privrednog partnera i destinacije za strana ulaganja.

4.1.a. Bilateralne prirode

U narednom trogodišnjem periodu nastavit će se aktivnosti na unapređivanju političkih odnosa sa susjednim zemljama, državama članicama EU, NATO i s drugim strateški važnim zemljama svijeta. Održavanje strateške suradnje sa svim stalnim članicama Vijeća sigurnosti OUN ostaje od primarnog značaja. U političkom smislu za BiH će ostati važan partner sve zemlje članice Vijeća za implementaciju mirovnog sporazuma.

Na temelju obostrano izraženog interesa za daljnje pospješivanje i unapređenje sveukupnih odnosa MVP BiH će nastaviti da priprema bilateralne posjete na visokom i najvišem nivou te vodi političke konsultacije.

MVP BiH će nastaviti da redovno prati i analizira globalna i regionalnih političkih kretanja od interesa za BiH i njene vanjskopolitičke prioritete.

Često neprediva globalna i regionalna zbivanja nameću potrebu za stalnim prilagođavanjima planiranih aktivnosti i angažmana MVP BiH kako u pogledu sadržaja tako i u organizacijsko-tehničkom smislu.

Pored zastupanja interesa BiH i kontinuiranog jačanja političkih odnosa, jedan od bitnih zadataka MVP BiH će biti promoviranje bh. gospodarstva i njenih razvojnih mogućnosti. Istovremeno, BiH će nastaviti da aktivno sudjelovanje na ekonomskim platformama koje imaju za cilj privlačenje stranih investicija te infrastrukturno i ekonomsko povezivanje.

Promicanje suradnje u oblasti nauke i tehnologije, kulture, obrazovanja i sporta, ostaje i dalje važan segment za uključivanje Bosne i Hercegovine u suvremene svjetske tokove.

4.1.b. Multilateralne prirode

Položaj Bosne i Hercegovine u geostrateškom smislu uslovljava i prioritete njenog vanjskopolitičkog nastupanja, posebno multilateralne prirode.

Bosna i Hercegovina će nastaviti u potpunosti biti posvećena provedbi SSP-a i ispunjavanju obveza koje proizilaze iz njega. U aktivnostima na provođenju vanjskopolitičkih aspekata SSP-a, BiH će akcent staviti na jačanje političkog dijaloga između BiH i EU, unaprjeđenje saradnje u oblasti Zajedničke vanjske i sigurnosne politike EU, posebno kroz nastavak progresivnog povećavanja stepena pridruživanja izjavama, deklaracijama, zajedničkim stavovima, uključujući restriktivne mjere, EU, upravo onako kako to EU očekuje od država koje podnose zahtjev za članstvo, zatim na jačanje regionalne saradnje i dobrosusjedskih odnosa.

Paralelno sa provođenjem ovih aktivnosti, BiH će redovno o tome, kao i o nastavku aktivnosti na provođenju neophodnih reformi, izvještavati nadležna tijela EU, kao i države članice EU, kako kroz tijela osnovana po osnovu SSP-a, posebno, kroz Vijeće za stabilizaciju i pridruživanje BiH-EU, kao najvišeg zajedničkog tijela za nadziranje primjene i provođenja SSP-a, tako i kroz intenziviranje političkog dijaloga na svim nivoima sa tijelima i zvaničnicima EU.

U tom kontekstu, MVP BiH će u narednom periodu posebno pratiti stavove najznačajnijih zemalja članica EU u pogledu mogućeg novog pristupa EU po pitanju proširenja, te predlagati korake koje bi BiH mogla poduzeti u cilju ubrzanja našeg približavanja EU/ne gubljenja koraka sa drugim kandidatima u regionu.

Također, u skladu s relevantnim odredbama SSP-a, politički dijalog će se nastaviti odvijati i u multilateralnom okviru, te kao regionalni dijalog u koji su uključene ostale zemlje iz regije, uključujući i dijalog u formatu Evropska unija – Zapadni Balkan, koji podstiče jačanje i produblјivanje regionalne suradnje i ubrzanje procesa evropskih integracija na Zapadnom Balkanu i daljeg jačanja saradnje sa NATO-om, s ciljem poboljšanja i institucionaliziranja međusobne saradnje.

Kvalitetniji rad MVP BiH, saradnja BiH sa međunarodnim organizacijama i pripreme za učešće delagacije BiH, u velikoj mjeri su uslovlјeni saradnjom i koordinacijom rada sa nadležnim institucijama u BiH. U cilju boljeg funkcionisanja institucija u BiH na svim nivoima, počevši od Predsjedništva BiH, Vijeća ministara BiH i dalje, neophodno je ostvariti bolju koordinaciju MVP i nadležnih ministarstava prema međunarodnim organizacijama, te izvještavanje o učešću predstavnika drugih ministarstava na međunarodnim skupovima, što je osnova za kvalitetno izvršavanje obaveza MVP-a BiH u skladu sa svojim nadležnostima.

MVP BiH će nastaviti sa aktivnostima koje se odnose na produblјavanje saradnje sa OUN i afiliranim agencijama, kao i drugim međunarodnim organizacijama u kojima je BiH članica.

Navedene aktivnosti uključuju:

- a) Učešće na zasjedanjima Generalne skupštine UN, specijalnim zasjedanjima na razini Šefa države i dr.
- b) Učešće na zasjedanjima Generalne skupštine UNESCO (Pariz), HRC High level segment – Ženeva, GS IAEA (Beč), GS WHO (Ženeva), GS ILO (Ženeva), IMO (London), i dr.
- c) Učešće na godišnjim zasjedanjima ugovornih tijela u konvencijama koje je BiH ratificirala, primjerice UNCAC, UNCTOC, Otavska konvencija, CMC i dr.
- d) Učešće na međunarodnim skupovima u organizaciji UN-ove Ekonomske komisije za Evropu (UNECE) u Ženevi i drugim evropskim i svjetskim gradovima, posebno u okviru praćenja provedbi

brojnih konvencija za zaštitu životne sredine, s posebnim fokusom na adekvatno stručno i diplomatsko predstavljanje u okviru UN-ove Okvirne konvencije o klimatskim promjenama (UNFCCC);

e) Učešće na sastancima u organizaciji Svjetske turističke organizacije (WTO), sa sjedištem u Madridu, u cilju promocije turističkih potencijala i kulturnog nasljeđa Bosne i Hercegovine;

f) Učešće na ekspertskom sastanku za UN eksperte u VE u Strasburgu;

g) Kao posebnu aktivnost navodimo učešće u radu Komiteta za svjetsku baštinu UNESCO, čijim smo članom postali u studenom 2017. godine. Riječ je o jednom od najprestižnijih tijela u sistemu UN, te bi učešće BiH trebalo maksimalno iskoristiti u cilju povećanja vizibiliteta i uticaja naše zemlje na međunarodnom planu.

Posebna pažnja se posvećuje daljem profiliranju politike djelovanja BiH na međunarodnom planu, uz dalje definisanje strategije aktivnosti u međunarodnim odnosima. Djelovanje BiH na međunarodnom planu ne treba ograničiti isključivo na problematiku koja neposredno utiče na ili oko BiH, nego bi trebalo da predstavnici BiH aktivno učestvuju u radu međunarodnih tijela i organa po temama koje predstavljaju opšte prioritete vanjske politike zemlje, te po pitanjima od opšteg globalnog interesa gdje su globalno ili regionalno uključene sve zemlje. Razvijanje ovakvog opredjeljenja je važno sa aspekta članstva BiH u UN, regionalnim organizacijama, te ostvarivanja evropskih aspiracija BiH kao strateškog cilja.

Pitanje primjene ratifikovanih međunarodnih pravnih instrumenata od strane BiH, a prije svega izvještavanje u skladu sa odredbama tih instrumenata o primjeni konvencija dobija sve veći značaj, te će u vezi sa tim i djelovanje BiH institucija biti usklađivano. Neophodno je intenzivirati i aktivnosti na pripremi i održavanju multilateralne konsultacije BiH, posebno sa zemljama od strateškog interesa za zemlju u cilju razmjene informacija, iskustava i unapređenja rada MVP-a.

Odsjek za UN i ostale međunarodne organizacije nastaviti će pratiti rad UN i međunarodnih organizacija kojih je BiH član, kako posredstvom Stalnih misija BiH u Njujorku, Beču i Ženevi, ambasada u Parizu, Rimu i Londonu, tako i izravno, učešćem diplomata iz sjedišta na konferencijama i sastancima. Radit će se na pripremi učešća predstavnika resornih ministarstava, državnih agencija i drugih državnih institucija na raznim konferencijama UN i drugih afiliranih agencija, te raznih ugovornih tijela čiji smo članovi. Posebnu pozornost će se posvetiti pripremi učešća delegacija na najvišim nivoima Predsjedništva BiH i ministra vanjskih poslova. Također će se pravovremeno dostavljati UN i drugim organizacijama periodična izvješća, što je obaveza koja proističe iz našega članstva u ovim organizacijama. Nadalje, koordinirati će se aktivnosti u vezi sa zahtjevima za potporu raznim kandidaturama u tijelima UN i dr. međunarodnih organizacija koje BiH zaprima od drugih država-članica, te u skladu sa postignutim dogovorom i eventualnim razmjenama potpora slati instrukcija za glasanje našim DKP.

Po usvajanju na Vijeću ministara Bosne i Hercegovine u 2020. godini, Ministarstvo vanjskih poslova BiH će u narednom petogodišnjem periodu blisko saradivati sa UN-ovim Razvojnim programom (UNDP) na provođenju Okvira saradnje za održivi razvoj između Ujedinjenih nacija i Bosne i Hercegovine za period 2021. – 2025. godina. Ovaj dokument predstavlja strateški okvir partnerstva između Ujedinjenih nacija u BiH i Bosne i Hercegovine na rješavanju potreba i provedbi prioriteta u domenu održivog razvoja u BiH.

Neophodno je intenzivirati aktivnosti za prijem Bosne i Hercegovine u Svjetsku trgovinsku organizaciju (WTO), što će otvoriti vrata za uključivanje u globalne trgovinske tokove;

MVP BiH će nastaviti aktivnosti na praćenju rada i pripremanju aktivnosti vezanih za učešće BiH u regionalnim organizacijama (RCC, SEECF, CEI, JJI, Unija za Mediteran, MARRI itd.), kao i OSCE-u i Vijeću Evrope. Također, pratit će ispunjavanje uslova BiH vezanih za Vijeće Evrope i angažman BiH unutar OSCE-a, nastaviti sa podrškom ekspertnoj grupi za provedbu presude Evropskog suda za ljudska prava u predmetu Ališić i dr. od strane Slovenije i Srbije. Osim toga, i dalje će predlagati mjere za poboljšanje pozicije BiH na multilateralnom planu.

U Periodu 2021-2025 očekuje se dalji napredak u institucionalizaciji odnosa sa NATO, posebno nakon odluke NATO iz decembra 2018. godine o aktiviranju MAP za BiH, čime je BiH ušla u novu kvalitativnu fazu odnosa sa NATO. U narednom period kroz godišnje cikluse će se pratiti i unaprijediti realizacija aktivnosti iz Programa reformi BiH za period 2019-2024.

U međuvremenu, BiH je nastavila da jača svoju saradnju sa evroatlantskim institucijama kroz praktičnu saradnju i redovan dijalog na visokom nivou. BiH uspješno provodi saradnju sa NATO korištenjem raspoloživih mehanizama saradnje, sa relativno visokim stepenom implementacije planiranih aktivnosti i ostvarenog progressa, o čemu svjedoče zajedničke periodične procjene koje se rade sa Saveznicima. Značajna pažnja će se također posvetiti ulozi MVP-a kroz javnu diplomaciju za jačanje odnosa sa NATO-m i jače diplomatsko lobiranje kod zemalja članica za intenziviranje odnosa s NATO-m.

Također, MVP će predstavljati BiH na sastancima i konferencijama iz oblasti Konvencije o zabrani hemijskog oružja, Konvencije o zabrani biološkog/bakteriološkog i toksičnog oružja, Ugovora o neširenju nuklearnog oružja, Ugovora o sveobuhvatnoj zabrani nuklearnih proba i ostalim, Globalne inicijative za borbu protiv nuklearnog terorizma itd.

S ciljem daljeg razvijanja dobrih odnosa, postizanja trajne stabilnosti, sigurnosti i ekonomskog prosperiteta, posebna će pažnja biti usmjerena na aktivnosti u okviru regionalne i subregionalne saradnje.

U skladu sa interesima i potrebama Bosne i Hercegovine saradivati će se sa Organizacijom američkih država (OAS), Organizacijom afričkog jedinstva (OAU), Asocijacijom država Latinske Amerike (ALADI), Asocijacijom država Jugoistočne Azije (ASEAN) i drugima;

4.1.c. Konzularne prirode

Zaštita interesa državljana Bosne i Hercegovine u inozemstvu

Poseban cilj vanjskopolitičkih aktivnosti Bosne i Hercegovine će i dalje biti pružanje konzularne zaštite i konzularne pomoći fizičkim i pravnim licima iz Bosne i Hercegovine u inostranstvu, u okviru nadležnosti Ministarstva vanjskih poslova. S tim ciljem će se i ubuduće inicirati postizanje bilateralnih sporazuma u oblasti konzularne, radno-pravne i imovinske zaštite građana Bosne i Hercegovine u inostarnstvu. Također, će se učestvovati u pripremanju i prihvatanju konvencija i ostalih međunarodnih dokumenata, praćenje rada ostalih institucija i provedba propisa koje se tiču građana i izvještavanje konzularne mreže o tome.

Raditi na unapređenju elektronske komunikacije Ministarstva vanjskih poslova Bosne i Hercegovine i DKP Bosne i Hercegovine u poslovima koji se odnose na pružanje redovnih konzularnih usluga

Normativne aktivnosti:

- uputiti u proceduru usvajanja Odluku o vizama,
- nastaviti aktivnosti na zaključivanju bilateralnih sporazuma o ukidanju viza za nosioce diplomatskih i službenih pasoša Bosne i Hercegovine
- nastaviti aktivnosti na sukcesiji bilateralnih ugovora koje je zaključila bivša SFRJ
- nastaviti proceduru zaključivanja međunarodnih ugovora BiH u skladu sa nadležnostima ovog ministarstva utvrđenim Zakonom o postupku zaključivanja i izvršavanja međunarodnih ugovora,
- nastaviti proceduru zaključivanja sporazuma o plaćenom radu izdržavanih članova porodice diplomatskog i konzularnog osoblja između BiH
- nastaviti stručno usavršavanje državnih službenika radnim posjetama ministarstvima vanjskih poslova u regionu – organizacijskim jedinicama nadležnim za zaključivanje, izvršavanje i arhiviranje međunarodnih sporazuma.

- nastaviti učešće u radu Savske komisije u dijelu koji se odnosi na nadležnosti Ministarstva vanjskih poslova Bosne i Hercegovine.
- nastaviti učešće u radu interresornih radnih grupa, mješovitih komisija/odbora/komiteta koji su formirani temeljem bilateralnih međunarodnih ugovora BiH i drugih država, te državnih delegacija

Konzularne konsultacije

MVP daje mišljenja na međunarodne sporazume, ratifikuje međunarodne ugovore, depozitar je svih međunarodnih ugovora - originala i vodi bazu podataka o istom, učestvuje na pregovorima za zaključivanje ugovora i učestvuje na međunarodnim konferencijama iz oblasti međunarodnog prava.

4.1.1. Specifični cilj 1.1

Unapređenje političkih i ekonomskih odnosa Bosne i Hercegovine

Ministarstvo vanjskih poslova će ovaj specifični cilj realizirati kroz navedene programe:

P.1.1.1. Provođenje vanjske politike BiH

4.2.2. Specifični cilj 1.2

Unapređenje sistema zaštite i interesa Bosne i Hercegovine, njenih građana i pravnih lica u inostranstvu

Ministarstvo vanjskih poslova će ovaj specifični cilj realizirati kroz navedene programe:

P.1.1.2. Razvoj službe MVP BiH

P.1.1.3. Zastupanje i zaštita prava i interesa građana i pravnih lica Bosne i Hercegovine u inostranstvu i razvoj međunarodno-pravne saradnje

Ciljevi MVP u okviru osnaživanja ekonomskog rasta u BiH su sljedeći: promocija izvoznih mogućnosti, privlačenje stranih direktnih investicija, te unapređenje ugovornog stanja na ekonomskom planu sa zemljama partnerima.

U cilju povećanja izvoza i prevlačenja stranih direktnih investicija, MVP će aktivno raditi na poboljšanju vlastitog imidža u svijetu, kako kroz neophodne interne reforme, tako i kroz upotrebu konstruktivne i aktivne javne diplomatije.

Bosna i Hercegovina će, u svjetlu pospješivanja ekonomskog razvoja, na bilateralnom planu saradivati sa partnerskim zemljama u cilju transfera tehnologija i inovacija, unapređenja obrazovanja u BiH, istraživačkih i razvojnih kapaciteta, kao i kulturne saradnje.

Kako bi specifični ciljevi imali smisla, te u cilju što konzistentnije vanjskoekonomske politike koju će provoditi relevantne institucije u BiH, a u skladu sa obavezama preuzetim u okviru reformskog procesa na putu ka Evropskoj uniji, u narednom periodu će okvirna razvojna strategija BiH biti strategija promocije izvoza kao i strategija investiranja u BiH.

Bosna i Hercegovina će nastaviti sa aktivnostima na pristupanju Svjetskoj trgovinskoj organizaciji (WTO).

POGLAVLJE 5: Resursi i kapaciteti potrebni za postizanje ciljeva

5.1. Finansijska sredstva

Proračun Ministarstva vanjskih poslova Bosne i Hercegovine se sastoji od sredstava iz proračuna institucija Bosne i Hercegovine. Dokumentom okvirnog proračuna Ministarstva vanjskih poslova Bosne i Hercegovine za period 2021 – 2023 godine definirana su potrebna sredstva za rad, kako slijedi:

- U 2021. godini u iznosu od KM 63.657.000;
- U 2022. godini u iznosu od KM 62.060.000;
- U 2023. godini u iznosu od KM 62.244.000;

Programska struktura proračuna Ministarstva vanjskih poslova BiH za ovaj srednjoročni period čine tri programa:

1. Provođenje vanjske politike Bosne i Hercegovine;
2. Zastupanje i zaštita interesa Bosne i Hercegovine u inostranstvu, Razvoj MVP BIH
3. Zaštita prava i interesa građana i pravnih lica Bosne i Hercegovine u inostranstvu

Specifični ciljevi Ministarstva vanjskih poslova BiH za period 2021 – 2023. godine realizirati će se kroz tri programa Dokumenta okvirnog proračuna MVP BiH za period 2021 – 2023. godine, i to:

- Specifični cilj 1 - Unapređenje političkih i ekonomskih odnosa Bosne i Hercegovine kroz program I i
- Specifični cilj 2 - Unapređenje sistema zaštite interesa Bosne i Hercegovine, njenih građana i pravnih lica u inostranstvu kroz program II i III.

Prilikom izrade Dokumenta okvirnog proračuna za period 2021-2023. godine nije planirano financiranje rashoda neposredne potrošnje iz donacija.

U 2021. godini za realizaciju Specifičnog cilja 1 planirana su sredstva u iznosu od 39.876.230,00 KM kroz program I Dokumenta okvirnog proračuna, dok su za realizaciju Specifičnog cilja 2 planirana sredstva u iznosu 23.780.770,00 KM kroz program II i III Dokumenta okvirnog proračuna.

5.2. Ljudski resursi

Ministarstvo vanjskih poslova BiH je organ uprave koji je osnovan Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09).

U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, Ministarstvo utvrđuje prijedlog vanjske politike i sprovodi vanjsku politiku BiH.

Unutrašnja organizacija Ministarstva utvrđena je Pravilnikom o unutrašnjoj organizaciji MVP-a BiH br.09-02-35317/12 iz marta 2013. godine i Pravilnikom o izmjenama i dopunama Pravilnika o unutrašnjoj organizaciji MIP-a BiH br.09/1-21-32-35957/18 iz novembra 2018. godine. U Ministarstvu je ukupno sistematizovano 658 radnih mjesta, od čega u sjedištu Ministarstva 288 radna mjesta, a u DKP-ima BiH 370 radnih mjesta. Međutim, Zakonom o budžetu institucija BiH i međunarodnih obaveza BiH za 2018. godinu ukupan broj zaposlenih u MVP-a BiH je ograničen na 520, te je mogućnost novog zapošljavanja ograničena. Naime, MVP-a BiH ima jedan veći broj državnih službenika koji se nalaze na odsustvu iz državne službe (karijerni diplomati) koji će se nakon okončanja mandata vratiti u državnu službu te se iz gore navedenih razloga zapošljavanje u MVP- u BiH provodi u skladu sa postojećom sistematizacijom koja uključuje i državne službenike u odsustvu.

Poslovi u sjedištu Ministarstva obavljaju se u okviru osnovnih organizacionih jedinica – Kabineta ministra, Kabineta zamjenika ministra, Sektora, Odjela, i Ureda kao osnovnih organizacionih jedinica. U okviru Sektora i Odjela kao osnovnih organizacionih jedinica organiziraju se odsjeci kao unutrašnje organizacione jedinice.

U okviru Sektora za opće poslove organiziran je Odsjek za pravne, kadrovske i prevodilačke poslove u kojem se dijelom obavljaju poslovi iz domena upravljanja ljudskim resursima. Medjutim, upravljanje ljudskim resursima je disciplina koja se bavi svestranim sagledavanjem problematike upravljanja ljudskim resursima - od planiranja potreba za njima, optimalnog raspoređivanja, vođenja i motivisanja, do njihove zaštite i unapređenja, što trenutno nije moguće realizovati u Odsjeku na cjelovit način.

Donošenje Zakona o vanjskim poslovima te izmjena postojeće sistematizacije predstavlja osnovu za efikasniji i bolji rad Ministarstva, a u skladu sa Strategijom vanjske politike Bosne i Hercegovine. U skladu sa zaključkom Predsjedništva BiH utvrđena je obaveza izrade Zakona o vanjskim poslovima BiH, koja bi uz usvojenu strategiju vanjske politike za naredni period, trebala biti osnova za dalje postupanje. Tako je već sačinjen Nacrt Zakona o vanjskim poslovima BiH, koji bi se trebao uputiti u parlamentarnu proceduru, a nakon usvajanja Zakona pristupilo bi se izradi podzakonskih akata.

POGLAVLJE 6: Okvir za praćenje provođenja plana i evaluaciju rezultata

6.1. Ključni pokazatelji

Za realizaciju gore navedenih ciljeva, programa i projekata definisani su sljedeći ključni pokazatelji uspjeha/rezultata:

CILJEVI		POKAZATELJI USPJEHA/ REZULTATA	
<p><u>Srednjoročni cilj</u></p> <p>Sprovođenje vanjske politike Bosne i Hercegovine iz domena MVP u svrhu realizacije vanjskopolitičkih ciljeva Bosne i Hercegovine</p>		<p>Praćenje provođenja Strategije vanjske politike BiH 2018-2023 i izrada Akcionih planova koji proizilaze iz Strategije</p> <p>Unapređenje multilateralne i bilateralne saradnje radi daljnjeg razvoja međunarodnih odnosa</p> <p>Poboljšanje zaštite interesa državljana BiH u inostranstvu i razvoj međunarodno-pravne saradnje</p> <p>Razvoj normativnih, materijalnih i stručnih resursa MVP</p>	
	<p><u>Specifični cilj 1.1</u></p> <p>Unapređenje političkih i ekonomskih odnosa BiH</p>		<p>Dobijanje statusa kandidata i datuma za otpočinjanje pregovora sa EU</p>
	<p><u>Program 1.1.1</u></p>		
	<p style="text-align: center;">PROVODENJE VANJSKE POLITIKE BOSNE I HERCEGOVINE</p>	<p>Projekat 1.1.1.1</p>	
<p>Razvoj političkih i ekonomskih odnosa</p>		<p>Bilateralne posjete, susreti, kontakti, političke konsultacije i ekopnomski forumi. Praćenje stanja diplomatskih odnosa BiH izvještavanje Parlamenta BiH, Predsjedništva BiH i VM BiH</p>	
<p>Projekat 1.1.1.2</p>			
<p>Ispunjavanje obaveza iz SSP koje su nadležnosti MVP BiH</p>		<p>Redovne političke konsultacije sa Službom za vanjske poslove EU, kao i sa ostalim nadležnim institucijama EU, pridruživanje zajedničkim izjavama/restruktivnim mjerama, učešće na EU sastancima s partnerskim državama i asocijacijama, u radnim tijelima EU i drugim relevantnim EU formatima, te u radu međunarodnih organizacija i asocijacija Procenat/Broj Izjava EU kojima se BiH pridružila i broj ostvarenih susreta na visokom i radnom nivou</p>	
<p>Projekat 1.1.1.3</p>			
<p>Učešće i zastupanje interesa BiH u međunarodnim organizacijama i institucijama/povećanje međunarodnog vizibiliteta BiH, kao kredibilnog partnera u međunarodnim odnosima</p>		<p>Ostvarivanje utvrđenih vanjskopolitičkih ciljeva kroz realizaciju inicijativa u okviru EU ZVSP i međ.org. (UN, NATO, OSCE, VE, OECD i dr.)</p>	
<p>Projekat 1.1.1.4</p>			
<p>Razvoj političkog dijaloga sa NATO</p>		<p>Održavanje bilateralnih političkih konsultacija sa članicama NATO i PpP. Sastanci na najvišem nivou.</p>	

	Projekat 1.1.5	
	Promicanje javne diplomatije i projekti naučne, obrazovne, kulturne i sportske saradnje	Promocija ekonomskih interesa i javne diplomatije (organizovanje poslovnih događaja u BiH i inostranstvu, učešće na međunarodnim događajima, promocija turizma i jačanje kulturnih odnosa)
<u>Specifični cilj 1.2</u> Unapređenje sistema zaštite interesa Bosne i Hercegovine, njenih građana i pravnih lica u inostranstvu		Funkcionisanje sistema pružanja konzularne zaštite usklađenog sa standardima
<u>Program 1.1.2</u>		
RAZVOJ SLUŽBE MVP	Projekat 1.1.2.1	
	Podizanje nivoa interne i diplomatske obuke kadrova	Povećanje broja zaposlenih koji su ovladali diplomatskim vještinama
	Projekat 1.1.2.2	
	Stvaranje pravnog okvira za funkcionisanje MVP BIH	Usklađivanje normativnih akata i internih procedura iz djelokruga upravljanja ljudskim resursima
	Projekat 1.1.2.3	
	Razvoj informacionog sistema te sistema zaštite podataka u MVP BIH	Unapređenje postojećeg informacionog sistema
	Projekat 1.1.2.4	
	Unapređenje rada MVP-a, kroz preuzimanje objekata dobivenih sukcesijom te obezbjeđenje propisanih standarda za rad DKP	Smanjenje zakupa objekata za potrebe DKP mreže, adaptacija i opremanje
<u>Program 1.1.3</u>		
ZASTUPANJE I ZAŠTITA PRAVA I INTERESA GRAĐANA I PRAVNIH LICA BOSNE I HERCEGOVINE U INOSTRANSTVU I RAZVOJ MEĐUNARODNO-PRAVNE SARADNJE	Projekat 1.1.3.1	
	Pružanje konzularnih usluga građanima BiH u inostranstvu i stranim državljanima u BiH	Izdavanje putnih isprava, viza, određivanje i evidentiranje JMB, prijem zahtjeva za odricanje od BH državljanstva, provjere identiteta i državljanstva. Statusa, socijalna pitanja, izdavanje sprovodnica, upis u matične knjige i dr.
	Projekat 1.1.3.2	
	Pružanje međunarodne pravne pomoći, konzularne zaštite i konzularne pomoći fizičkim i pravnim licima iz BiH u inostranstvu, kao i stranim fizičkim i pravnim licima iz inostranstva u BiH	Procenat obrađenih zahtjeva konz. zaštite i konz. pomoći fizičkim i pravnim licima iz BiH u inost., učestvovanje u provođenju sporazuma o readmisiji, pribavljanje saglasnosti nadležnih institucija BiH radi realizacije glasanja državljanina drugih država na teritoriji BiH
	Projekat 1.1.3.3	
	Učešće u postupcima zaključivanja i ratifikacije međunarodnih ugovora i promicanju poštivanja i primjene međunarodnog prava	Procenat izdatih mišljenja na međunarodne sporazume, ratifikacije međ.ugovora, broj učešća na pregovorima za zaključivanje ugovora kao i na međunarodnim konferencijama iz oblasti međunarodnog prava

6.2. Praćenje izvršenja i evaluacija Srednjoročnog plana rada

Izvršenje Srednjoročnog plana rada Ministarstva vanjskih poslova Bosne i Hercegovine pratiće se putem redovnih godišnjih izvještaja na osnovu izvještaja o izvršenju godišnjih planova.

Ministarstvo će pripremiti Izvještaj o provođenju Srednjoročnog plana rada institucije BiH i dostaviti isti Ministarstvu finansija i trezora BiH i Direkciji za ekonomsko planiranje BiH najkasnije do 15. februara tekuće godine.

Svake tri godine Ministarstvo će pripremiti Izvještaj o evaluaciji provođenja Srednjoročnog plana rada i dostaviti ga Ministarstvu finansija i trezora BiH i Direkciji za ekonomsko planiranje BiH najkasnije do 1.maja.

Prilog 1: Akcioni plan Srednjoročnog plana rada Ministarstva vanjskih poslova BiH 2021-2023

Broj:

Datum:

MINISTRICA

dr Bisera Turković